

Xabar

O'ZBEKISTON POCHTA VA TELEKOMMUNIKATSIYALAR AGENTLIGI NASHRI

1992 yil martdan chiqa boshlagan

2001 yil, 10 avgust №32 (465)

Sotuvda narxi erkin

МИЛЛИОНЛАР УЙИНИ

Миллионлар уйинига айланган футбол республикаимиз алоқачиларининг ҳам сеvimли машғулоти бўлиб қолди. Жорий йилнинг бошларида ўтказилган тармоқлараро минни футбол турнирида алоқачилар ғолибликни қўлга киритган эди. Яқинда Ўзбекистон почта ва телекоммуникациялар агентлиги ва Республика алоқа ходимлари касба уюшмаси марказий қўмитаси ҳамкорлигида ташкил қилинган минни футбол бўйича аънавий кўча кубок уйинлари бўлиб ўтди. Унда соҳанинг корхона ва ташкилотларидан ўн бешта гуруҳ иштирок этди. Туртта гуруҳга бўлиниб ўзаро баҳслашган спортчиларнинг кучли жамоа-



лари 4 август кuni финал учрашувда майдонга тушдилар. Энг яхши натижа кўрсатган "Ўздунробита" қўшма корхонаси ва Тошкент шаҳар телефон тармоғи" акциядорлик жамияти спортчилари ўртасида бўлган сўнгги учрашувда ғолиб жамоа аниқланди. Рақибларини 4-2 ҳисобида мағлубиятга учратган "ТШПТ" АЖ спортчилари минни футбол бўйича 2001 йилги кубок эгаси бўлди.



Учрашув низоҳида уйингоҳда саф тортиган спортчиларни Агентлик Бош директори Ф. Абдуллаев ва "Ўзбектелеком" АК бош директори А. Жўрабоевлар табриқладилар. Совриндорларга қимматбаҳо совғалар топширилди.

ХОЛМУХАММАД

КҮРИК ТАНЛОВ БҮЛДИ

Давлат алоқа инспекциясида "Ўз касбининг устаси" кўрик танловининг якуний босқичи бўлиб ўтди. Унда кўрик танлов низо-мининг I-босқичига кўра яхши рейтинг натижасига эришган ви-лоятлардаги ҳудудий таркибий бўлинмаларнинг мутахассис ин-спекторлари иштирок этди. Улар почта ва телекоммуникациялар соҳасига онд саволларга жавоб бердилар. Берилган жавоблар бўйича соҳавий-хукуқий билими,

малакаси ва касб тайёргарлиги-нинг юқори даражада эканлиги-ни кўрсатган Фарғона вилояти ДАИ ходимлари Уктам Усмо-нов биринчи, Рустам Каримов иккинчи ҳамда Андижон вилоя-ти ва Тошкент шаҳар ДАИ хо-димлари Абдуманноб Мамасоби-ров ва Илҳом Рустамов учинчи ўринларни эгаллашди.

Э. МАТҚУРБОНОВ

МУСТАҚИЛЛИК — УЛУҒ НЕЪМАТ

1. Мустақиллигимизнинг 10 йиллигини нишонлаш арафа-сидамыз. Ўтган мана шу қисқа, аммо биз учун ўта муҳим вақт мобайнида амалга ошган қай-си ўзгаришларни алоҳида са-наган бўлардингиз?

2. Сизнингча, мустақиллик-ни мустақамлаш учун ҳар бир фуқаро, жумладан, ўзингиз қандай ҳисса қўша олишингиз мумкин?

Мавлуда ИСМОИЛОВА, Ихтисослаштирилган лойиҳа конструкторлик бюроси кор-хонасининг меҳнат ва иш ҳақи бўлими муҳандиси.

1. Ушбу давр мобайнида жуда катта ўзгаришлар рўй берди: миллий байрамларимиз, қадриятларимиз тикланди, шаҳримиз ҳуснига ҳусн қўша-диган иншоотлар, қулайлик-

лар келтирувчи кўприklar қурилди, йўллар таъмирлан-ди, Тошкент метросининг яна бир йўналиши очилиш арафасида. Буларни кўриб кўзинг қувонади, дилинг яй-райди.

Ўтганларимизни хотир-лаш, уларнинг қабрларини зиёрат қилиш каби қадрият-ларимиз тикланди. Урушда ҳалок бўлганлар ва қатагон йиллари қурбонлари хотира-сига бағишлаб қурилган зиё-ратгоҳлар халқимиз дилида-ги армон, оғриқларнинг уну-тилишига ҳисса қўшди.

Шу қисқа 10 йил ичида Ўзбекистон жаҳон миқёсида ўз ўрнини топа билди, уни бутун дунё таниди. Биз бу билан фахрланамиз ва

шукроналар қиламиз.

2. Менимча, ҳар бир ўзбек фуқароси ўз оиласида, иш жой-ида, умуман ҳаётда ҳалол, виж-донли бўлса, Ватанимиз "рав-нақи учун ҳар қандай қийинчи-ликларга тайёр турса, шунинг ўзи унинг мустақиллигимизни мустақамлашга қўшган энг катта ҳиссаси бўлади.

Бизнинг корхонамизда рес-публикаимиз алоқа корхоналари учун махсулотлар ишлаб чиқа-рилади. Бу билан биз республи-каимизда ушбу соҳани ривожлан-тиришга ўз ҳиссамизни қўшмоқдамиз, деб ҳисоблай-ман. Ўзимга келсак, Ватанимиз равнақида ҳисса қўшадиган ҳар қандай ишни бажаришга тай-ёрман.

Х. КАРИМОВ ёзиб олди

• Танқиддан сўнг

МАШҒУЛОТЛАР ЎТКАЗИМОҚДА

"Хабар" газетасининг 2001 йил, 13 июл, 28 сонидида чоп этилган "Тилга эътибор - юксак бурч" сарлавҳали мақолада "Сур-хондарё Телеком" шўъба кор-хонасида давлат тилига эътибор қоникарсиз эканлиги айтиб ўтил-ганди.

Шу муносабат билан "Сурхон-дарё Телеком" шўъба корхонаси куйидагиларни маълум қилди. Ҳозирги кунда корхонада бар-ча хужжатлар давлат тилида олиб борилмоқда.

2001 йилнинг 28 мартдаги шартнома асосида Термиз Дав-лат Университетининг профессо-ри, доцент Т. Турсунов Давлат

тили ва лотин алифбосини ўрга-тиш бўйича машғулот олиб бор-моқда. Машғулотлар август ой-ининг охиригача бўлади. Шун-дан кейин ҳар бир ходимимиз билан университет ўқитувчиси ва раҳбарият ўртасида рейтинг суҳ-бат ўтказилади. Шунингдек, рус-сийзабон ходимлар билан ҳам ўзбек тилида иш юритиш бўй-ича машғулотлар ҳар ҳафтада олиб борилмоқда.

Ш.ЎҚУБОВ,

"Сурхондарё Телеком" шўъба корхонаси бош директори

• Ўзбекистон Республикаси Президенти Ислам Каримов "Умид" жамғармаси грантлари соҳибларига табриқ йўллади.

7 нафар қўмондонни уч юзга яқин аскари билан Шимолий иттифок томонига ўтиб кетди. Яқини таълим вазири кел-

ОЛАМДА НИМА ГАП?

• ЯНГИЛИКЛАР • ВОКЕАЛАР • ХАБАРЛАР

• Тошкентда Халқаро Олимпия қўмитаси шафёёлигида "Халқаро да-ражадаги малакали баскетболчилар-ни тайёрлаш" мавзусида семинар ўта-зилди.

• Пойтахтимиздаги "Шератон" меҳмонхонасида халқаро сайёҳ-лик форуми бўлиб ўтди. Унда Ва-танимиз ва бир қатор хорижий мамлакатлар фирмаларининг ва-юллари иштирок этишди.

• Россиянинг "ИТЕРА" нефть ком-панияси яна Туркменистон газини Ук-раинага етказиб бера бошлади. Ўзаро ҳисоб-китоблардаги узилишлар сабаб-ли 26 июндан буён Украинага жўнати-лаётган газ ҳажми икки баробарга қисқарган эди.

• Афғонистоннинг Ғўр вилоя-тида Толибон ҳаракатида хизмат қилаётган қуролли гуруҳларнинг

гуси йилдан бошлаб энг қобилиятли ўқувчиларга таълим бериш учун олий фан мактаблари очилиши режалаш-тирилмоқда. Мамлакатнинг энг яхши олимлари ана шу мактабларда маъ-рузалар ўқишга таклиф этилиши кўзда тутилмоқда.

• Буюк Британиянинг Мил-мута университети олимлари она корнидаёқ чақалокнинг соғлиғини текшириш имконини берадиган компьютер дастури-ни ишлаб чиқдилар. Унинг ёр-дамидида она корнидаги бола юрагининг уриши ва иш фаоли-ятини аниқлаш мумкин. Компь-ютер сўнати маълумотларни ил-гаригилари билан солиштириб чиқиб, чақалокнинг ривожлани-ши қандай кечётгани ҳақида ҳисобот беради.

"Бухоро Телеком", "Бухоро почтаси" акциядорлик жамиятла-ри ва алоқа ходимлари бирлаш-ган касбада уюшма қўмитаси билан биргаликда "Оналар ва бола-лар йили"га бағишлаб алоқа хо-димлари вилоят спартакиадасини ўтказишди. Унда спортнинг бир

ҒОЛИБЛАР АНИҚЛАНДИ

қатор турлари бўйича шаҳар ва туман босқичларида ғолибликни қўлга киритган спортчилар иш-тирок эдилар.

Волейбол бўйича "Бухоро почтаси" акциядорлик жамияти жамоаси биринчи, "Бухоро Теле-ком" АЖнинг Вобкент филиали жамоаси иккинчи ва Ромитан фи-лиали жамоаси учинчи ўринлар-ни эгаллашди.

Спортнинг стритбол тури бўйича бўлган баҳсларда "Бу-хоро" Телеком" АЖнинг "Бухо-ро шаҳар филиали биринчи, радиотелевизион маркази ик-кинчи, "Бухоро Телеком" АЖ-нинг Когон филиали учинчи ўринлардан жой олди.

Югуриш бўйича ўтказилган мусобақада "Бухоро Телеком" АЖ-нинг Когон филиали биринчи, Бухоро шаҳар филиали алоқачи-лари иккинчи, "Бухоро почтаси" акциядорлик жамияти эса учин-чи ўрин соҳиби бўлдилар.

Мусобақа ғолиблари Фаҳрий ёрлиқлар ва эсдалик совғалари билан тақдирландилар.

А. ИСТАМОВ,

жамоатчи мухбиримиз

Сингилларингиз Барнохон, Зухраҳон ва Хулқар.

ОНА ЮРТИМ, ОНА ТУПРОғИМ

Мен ишқиди ёнган юртни Ўзбекистон дейдилар,
Хар қарич тупроғин зар, олтинга қон дейдилар.
Хар томон бову бўстон, чаманзордир хар тараф,
Арши-аълога қиёси, жаннатмақон дейдилар.

Шул жаннатнинг хури бўлай, қанот қоқай беармон
Шул тупроқнинг қули бўлай, садқа бўлсин унга жон!

Шул тупроқда бобожоним, бувижоним изи бор,
Борлиқ аро жаранлаган, ҳикматга бой сўзи бор.
Юрт оромин қуриқловчи, тўғри йўлга бошловчи,
Тўнларида само узра жовдирган кўзи бор.

Чарх айланиб, учиб кетсам, мен ҳам аждодлар томон
Ҳилол бўлиб тўнларини айлани-о нурафшон!

Она халқим меҳри ила бошим омондир-омон,
Қаҳрланса қаҳри ила ёллар аҳволи ёмон.
Хар заррасин эъзоз этиб, кўзга суртган элимнинг,
Шул муқаддас тупроқ учун кўкси қалқондир-қалқон.

Шул улуғвор денгиз ичра томчи бўлсам ҳам,
Керак бўлса юртим учун бўла оламан уммон!

Гўзал юртнинг гўзаллиги улуг элга мос экан,
Қалбларингиз гўзал бўлса, дўстлар, жуда соз экан.
Юраги пок, дини пок серҳиммат халқим,
Шунинг учун шул маконга Оллоҳим ҳамроз экан.

Ойдин тоғлар отаверсин, йўлинг бўлсин нурафшон,
Она ерим, азиз халқим, дўғрим Ўзбекистон!

БИР ҚИЗ БОРАР ОППОҚ ЛИБОСДА

Бир қиз борар оппоқ либосда,
Кўзларида маржон-маржон ёш...
Илк севгисин юлиб ташлашга
Юрак қурғур беролмас бардош.

Авжга чиқар ёр-ёр, яллалар,
Қизлар шодон, йигитлар қувноқ,
Рақсга тушар қитмир янгалар,
Келинчаққа татимас бироқ.

Қўй йиллама, қўйтин сингилжон
Юрагингда бўлса ҳам армон.
Бахтинг ўша, толейинг ўша,
Оқ либосда келади, ишон!

Сен қидирма ул бевафони,
Олазарак кўзларинг қулсин!
Бахтинг сари пешвоз чик, синглим,
Бедор тўнлар сени унутсин!

Оппоқ либос ярашди, қара
Елдай тарқоқ хаёларнинг йиғи.
Шаҳзодан бор ундан ҳам сара,
Йиғлаб кетсин энди айрилиқ.

Юрак дардинг атариди ҳис,
Ишқ қасрини четлаб ўтганлар,
Томчи ёшга арзимас, эсиз,
Муҳаббатни увол этганлар.

Бир қиз борар оппоқ либосда,
Кўзларида маржон-маржон ёш...

ЛОЛА

Офарин айтнинг дўстлар,
шул ниҳол бардошига.

Бағри қон шўр юракни,
кўтарибди бошига.

На азоб ва на ғамдин,
бунчалар тилим-тилим.

Бўм-бўш юрак тубида,
қора доғ қолдирган ким!

Дилором МУҲИДДИН қизи


КОНАН ДОЙЛА ХАЁЛПАРАСТ ВА ҲАЗИНАКАШ

Муҳаббат ва санъаткорона маҳорат билан яратилган буюк изқувар сиймоси вақт ўтиб Қонан Дойлнинг меъдасига тегибди. Хар қандай хаёлпарастга ўхшаб у ҳам янгица асарлар яратишни хоҳларди. У ноширлардан Ҳолмс учун қалам ҳақини оширишни талаб қилди. Нияти — улар ҳасиллик қилишса, шу баҳона жонига теккан изқувардан қутулиш эди. Аммо ноширлар унинг шартларига қўйишди. Қонан Дойл яна икки бор шу тариқа изқувардан қутулишга уриниб кўрди. Аммо ҳар гал қалам ҳақини янада оширишга эришди, ҳолос. "Бу усулдан бир натижа чиқмайди, шекилли. Бошқача иш тутушга тўғри келади", — деган ҳулосага келди у.

"Шерлок Ҳолмсни ўлдирингиз қарор қилим. У тўғайли қанчалаб муҳим ишларимга қўлим тегмайти", — дея бир гал онасига нолиди.

Ниҳоят ёзувчи ўзининг "ёвуз" ниятини 1893 йилда амалга оширди — "Ҳолмснинг сўнги иши" асари дунё юзиди кўрди.

Шундан сўнг китобхонларнинг назар тўла хатлари, матбуотдаги тиним-сиз чиқишларига, дош беролмаган адиб, навбатдаги асарида Ҳолмсни тириштиришга мажбур бўлди.



Эзгу ният

Чиройли амалнинг шартини ниятни ҳолис Аллоҳ учун ва амалнинг савобли, яъни шариатда мувофиқ бўлишидир. То шу икки сифат бир амалда жамланмагунча мақбул бўлмайди.

Бироқ шариатда гуноҳ ёки савоб амал эканлиги кўрсатилмаган, яъни, мувофиқ амалларни яхши ният билан қилинса савобга дохил бўлиш мумкин. Ҳатто бир-бирига зид икки хил амал ҳам савобли бўлиши мумкин.

Ривоят қилинишича, бир аъробий саҳрода кета туриб қоқилибди. Отидан тушиб, шу атрофда ётган бир дарахт шохини қозик қилибди-да, отини боғлабди. Бир қанча фурсат дам олиб, яна отга минибди. Қоқилган қозик яна бошқаларга ҳам хизмат қилсин, дея уни сугурмабди. Кўп ўтмай бу ердан бошқа бир йўловчи отини елдириб ўтар экан, оти бояги қозикқа қоқилиб йиқилибди. Отлиқ жон аччи-ғида келиб қараса ерга қозик қоқилган, шунда у "мендан бошқа киши ҳам бунга қоқилмай қўя қолсин" деган ниятда шохни сугуриб ташлабди.

Ана шу ўринда ҳар икки йўловчига ҳам савоб ёзилди. Ҳолбуки, улар бир-бирларига зид иш қилган бўлсалар-да, ниятлари эзгуликдан иборат эди.

Демак, киши бирон амал қилар экан, унинг савобли бўлишида ниятнинг ўрни аҳамиятли экан.

ҲИКМАТЛАР

Нарсалар қандай бўлмоғи лозимиятини билиш ақли оламга ҳосил: нарсаларнинг ҳақиқатда қандайлигини билиш тажрибали оламга хос: нарсаларни янада такомиллаштиришни билиш буюк оламларга хос.

Дени ДИДРО

Доно одам дардига даво қидириб юргандан кўра касалликни ўзига йўлатмайди.

Томос МОР

Оллоҳ таоло ҳар қандай дард юборганда унинг давосини ҳам юборгандир.

Ҳалидасан

Фаросатсизлигимиз ва иллатларимиз тўғайли ҳаётимизни барбод этамиз-да, кейин унинг оқибатида келиб чиққан қулфатлардан нолишга тушамиз ва охири бахтсизлик пешонада бор экан-да, деб гапириб юрамиз.

Кристиан БОУВИ

Рўқ қўласини сақлаб қўлиш учун жисм қўласини мустаҳкамлаш зарур.

Виктор ПЮГО

"Алоқинвест" АЖ жамоаси Қорақалпоғистон Республикаси қўчма механизациялашган жамланмаси бошлиғи **Нурриддин МАТЖОНОВ**нинг вафот этганлиги муносабати билан марҳумнинг оила аъзоларига чуқур ҳамдардлик билдиради.

МУАССИС:
Ўзбекистон почта ва телекоммуникациялар агентлиги

Бош муҳаррир:
Шодмон
ОТАБЕК

ТАҲРИР ХАЙЪАТИ:
Шомансур ОБИДХУЖА
Шухрат ЖАББОР
Анатолий КУДИНОВ
Иззат АҲМЕДОВ
(Бош муҳаррир ўринбосари)
Мирпўлат МИРЗО
Рустам ҚОСИМОВ
Қуролбой ТҮЛЕБОВ
Ёқубжон ХУҲАМБЕРД

ЖАМОАТЧИЛИК
КЕНГАШИ:
Саидмахмуд АКБАРОВ
Шоҳруҳ АКБАРОВ
Ортиқбой АБДУЛЛАЕВ
Меҳмонкул
ИСЛОМҚУЛОВ
Тўлқин
ЛУТФУЛЛАЕВ
Бобохон ШАРИФ

МАНЗИЛИМИЗ: 70000
Тошкент-35, А. Толстой кўчаси, 1.



ТЕЛЕФОНИМИЗ:
136-36-42, 136-35-2
144-29-09.
Факс: 136-36-42.
ИНДЕКС: 64600
ЖУМА ҚУНЛАРИ
ЧИҚАДИ

Тахририятга келган мазмунлар (2 оралиқда) бетдан ошмаслиги лозим ва сурашлар муаллифлар қайтарилмайди. Мақола-лардаги фикр-мулоҳазалар келтирилган факт ва рақамлар масъулияти муаллиф зиммасидадир.

Газета Ўзбекистон Республикаси Давлат матбуот қўмитасидан 00011 рақам билан рўйхатга олинган.

Бўйртма № Г-2735
4805 нусхада чоп этилди.

Офсет усулида босилди.

Бичими А-3, ҳажми босма табоқ.

Газета тахририят компьютер базасида терилди ва сақланди.

«ШАРҚ» НАШРИЁТ-МАТБAA
АКЦИЯДОРЛИК
КОМПАНИЯСИ
БОСМАХОНАСИ.
Манзили:
Тошкент шаҳри,
«Буюк Турон» кўчаси
41-уй.

Босишга топширилди — 18.00

Босишга топшириш вақти — 18.00